



Broj: 01/2-04-640/2020  
Breza, 18.03.2020.godine

Na osnovu Odluke o proglašenju stanja nesreće prouzrokovane pojavom korona virusa (COVID-19) na području Federacije BiH, te na osnovu Naredbi Federalnog štaba Civilne zaštite broj: 12-40-6-148-9, 10, 11, 12, 13, 14., 15., i 16/20 od 17.03.2020. godine, a na sjednici Općinskog štaba Civilne zaštite Breza, održanoj dana 18.03.2020. godine, donosi:

## **N A R E D B U**

### **I**

1. Naređuje se privremena obustava pružanja usluga za: kina, muzeje, pozorišta, koncertne dvorane, umjetničke galerije, javne bazene i kupališta, sportske i rekreacijske centre i slično na području Općine Breza.
2. Naređuje se privremena obustava pružanja usluga u frizerskim i kozmetičkim salonima i igraonicama na području Općine Breza.
3. Naređuje se centrima za pružanje usluga/šalter salama na području Općine Breza kao što su: naplatne službe javnih preduzeća, poštanski uredi, matični uredi jedinica lokalne samouprave, uredi sudova u radu sa strankama, banke, ispostave poreznih uprava, poslovnice zavoda i slično da rad sa strankama organizuju uz osiguranje protoka stranaka i klijenata na način da se omogući potrebna socijalna distanca od najmanje 1,5 metar između osoba uz poštivanje ostalih higijensko-epidemioloških mjera.
4. Naređuje se javnim i privatnim zdravstvenim ustanovama i privatnim praksama i ustanovama socijalne i dječije zaštite na području Općine Breza, da provode pojačane vanredne mjere dezinfekcije - posebno liftova, stepeništa, rukohvata, rampi za invalide, službenih vozila i sanitetskih vozila za prevoz pacijenata.
5. Naređuje se trgovinama osnovnim prehrambenim artiklima - supermarketi, tržnice, pekare, apoteke, benzinske pumpe na području Općine Breza da svoj rad organizuju po do sada prijavljenom radnom vremenu, uz osiguranje protoka kupaca i klijenata na način da se omogući potrebna socijalna distanca od najmanje 1,5 metara između osoba uz poštivanje ostalih higijensko-epidemioloških mjera.

6. Naređuje se svim federalnim i kantonalnim ministarstvima, upravama i upravnim organizacijama, jedinicama lokalne samouprave, privrednim društvima, fizičkim i pravnim licima u Općini Breza da pojačaju provođenje opštih i posebnih mjera zaštite stanovništva od zaraznih bolesti, shodno Zakonu u zaštiti stanovništva od zaraznih bolesti Federacije Bosne i Hercegovine („Službene novine Federacije BiH", broj 29/05), sa posebnim akcentom na pojačanu i vanrednu dezinfekciju poslovnih površina i sredstava javnoga prevoza - autobusi, tramvaji, trolejbusi, kombi vozila, taxi vozila, sanitetska vozila.
7. a) Naređuje se privremeno obustavljanje pružanja usluga u ugostiteljskim objektima svih kategorija (restorana, pizzerija, slastičarni, ćevabdžinica, čajdžinica, fast food...) na području Općine Breza.  
b) Iz odjeljka a) ove naredbe izuzima se usluga proizvodnje i dostave hrane, rad javnih kuhinja kao i proizvodnja i posluživanje hrane za goste hotela uz poštivanje higijenskih i epidemioloških mjera zaštite.  
c) Naređuje se privremeno obustavljanje pružanja usluga u nargila, cafe i bistro barovima, klubovima, diskotekama, kazinima, sportskim kladionicama i slično na području Općine Breza.
8. Zbog promjene epidemiološke situacije u svijetu, Evropskom regionu i Bosni i Hercegovini, kao i procjeni epidemiološkoga rizika, naređuje se otkazivanje održavanja svih javnih skupova na području Općine Breza u skladu sa propisima o javnom okupljanju.

## II

Naredba stupa na snagu danom donošenja i primjenjuje se od 18.03.2020. godine do 31.03.2020. godine u 24,00 sati.

## III

Upućuje se apel svim građanima Općine Breza da se dobrovoljno prijave nadležnim institucijama i organima, ukoliko su došli iz država koje su označene kao krizne po pitanju koronavirusa (COVID-19) a takođe se apeluje i na sve ostale građane da prijave lica koja su došla iz rizičnih zemalja.

Dostavljeno:  
1x Služba Civilne zaštite,  
1x Radio Breza,  
1X Policijska stanica Breza  
1x Web stanica Općine Breza,  
1x 01/2,  
1x Arhiva

KOMANDANT OŠCZ  
mr.sci. Munib A. Zaimović